

Ein Gericht unter dem Vorsitz des Brandisischen Ammanns am Eschnerberg, Andreas Schreiber, bestätigt den Geschworenen der Nachbarschaft Schellenberg das Recht, Strafen und Bussen zu erteilen.

Or. (A), GemA Schellenberg, U1. – Pg. xx/xx (Plica xx) cm. – Siegel in Holzkapsel abh., Siegelbeschreibung und Abb. bei Liesching/Vogt, Siegel, S. 140, Nr. 145. – Rückvermerk (15. Jh.): xx.

Regest: Schädler, Reg. GemA, S. 113, Nr. 20.

Ich^{a)} Andress Schriber¹ der zit miner gnädigen herschafft von Branndiss² aman an dem Eschnerberg³ bekenn^{b)} offennlich vnd thun kund aller me- || l² ngklich mit disem brieff, das ich vff den hüttigen tag siner date zû Muren⁴ im dorff offennlich zû gericht gissen bin, für mich vnd offen || l³ verbannen gericht komen sind die erberen geschwornen der nachpurschafft zû Schellenberg⁵, liessen reden durch iren zû recht angedingten fürsp- || l⁴ rechen, wie das in ettlich mangel der straffen halben sye vmb über varen, nach dem sy och bys her büsen vnd straffen gesetzt vnd gemacht l⁵ haben als ander geschwornen, vnd begerten an ainer vrtail, vmb zû erfahren, wie sy die straffen sollend oder ob si die zû straffen habend vnd l⁶ satzten zû recht, was irs rechten wâr. Frägt ich obginanter richter die vrtail sprecher des rechten vmb vff den ayd vnd ward nâch miner l⁷ vmbfrag mit ainhelliger vrtail zû recht erkant vnd gesprochen. Die wil ain nachpurschafft zû Schellenberg geschwornen habend vnd setzen, l⁸ was büssen oder ainikait die machend, da by soll es beliben. Vnd wer der wâr, der solichs nit hielt^{c)}, das sy den zû straffen habend vmb die l⁹ büssen, so sy gemacht hond oder nâch irem gût duncken, vnd darnach jederman sin recht behalten. Do das vor mir vnd offen verbannen l¹⁰ gericht ergieng, mütetend vnd begerten die dick genanten geschwornen von Schellenberg diser vrtail vnd gerichtz ainen brieff, der in nâch l¹¹ miner ummfrag mit ainheliger vrtail zû geben och erkennt ward vnder minem insigel. Vnd des alles zû wâren offem vrkund so hab ich l¹² obginanter richter Andres Schriber inen disen brieff von gericht wegen als erkennt ist, doch mir vnd minen erben one schaden, besigelt. l¹³ Geben vnd vrtailt vff mentag nach sant Martis tag nach der gebürt Cristi vnsers lieben heren vierzechenhundert vnd in dem drû l¹⁴ vnd nüntzigisten järe.

a) *Initiale J, xx cm lang.* – b) *Initiale B, xx cm hoch.* – c) *e über der Zeile.*

¹ *Andreas Schreiber, 1467-1493, Landammann am Eschnerberg 1485-1493.* – ² *Freiherren von Brandis.* – ³ *Hügelzug im Liechtensteiner Unterland mit den Ortschaften Eschen, Gamprin, Mauren, Ruggell und Schellenberg, bezeichnet auch die ehemalige Herrschaft Schellenberg.* – ⁴ *Mauren.* – ⁵ *Schellenberg.*